

Ka Loea Kalaiaina, Volume III, Number 52, 13 January 1900 — He Moolelo nona Wahi Pana o EWA [ARTICLE]

[Back](#)

He Moolelo nona

# Wahi Pana

— 0 —

# EWA

— I —

Huna Keleloaia

me ka nalowale loa

— A —

— HIKI OLE KE IKE IA. —

Aia no i keia aina kekahi puu kaulana o Puuokapolei, i keia wahi i noho ai o Kamaluaniho me kana moopuna me Kekeleaiku, kaikuaana o Kamapuaa.

Mahope iho o ko lakou haa lele ana ia Kaliuwaa Kaluanui Koolauloa. Aole nae au e kamailio ana no lakou, aia a mahope aku. E kamailio iki ae hoi au no ka Puuokapolei.

Ina e hele ana kamahela ma ke alanui aupuni no Waianae, aia a haalele ia Honolulu ke kulanakauhale o ke

Gula, e loa a mua mai ana ia  
ia ke kula o Puuainako, a  
hala ia, hele mai o Keoneae,  
alaila, pii aku oo i ka piina o  
ka Puuokapolei, a ilaila, ha-  
liu ae oe a nana makai o ke  
alanui aupuni e ku ana ua  
wahi puu ala ia, oia hoi o  
Puuokapolei, na keia wahi  
puu i alai ia Ewa, ke huli aku  
hoi oe ma kela aoao o Wai-  
manalo pau kou ike ana ia  
hope nei, hele aku he mau  
hoalu liilii a holo aku oe he  
kula; o keia kula, oia ke kula  
o Pukaua, aia mauka o ke  
alanui e ike ai oe he pohaku  
nui e ku ana i ke kula, no ia  
pohaku ka moololo i kaulana  
ai keia kula. Eia kahi moo-  
lolo i kaulana ai kela kula,

He mau wahi luahine ku-  
pua, a i ole ia, he mau lua-  
hine hooehaa, a he mau wahi  
luahine hahapaiea paha, no  
laua o Puukaua; ia laua i kai  
o Kualakai i ka lawaia i ke  
ahiahi, i kai no laua a i ka  
lawaia a wanaao hoi mai. eia  
ka laua man wahi i'a. he  
Aama ua i'a, he Pipipi ua i'a  
a me na ano i'a like ole apau  
e loa a aku ana i ko laua nei  
mau lima. Ia laua nei e hoi  
ana i ke kula mai kahakui  
mai, me ko laua manao ana  
ia e hiki poelele aku ana ia  
laua i kauhale, aole nae pela.  
Ua halawai laua me ka maka  
paa. oia, laua e hookokoko  
aku ana i ua kula ala, ua  
malamalama loa ae la, a ua

hiki ke ike ia aku na kanaka  
ke hele ae, a eia no nae laua

nei ma kai o ke alanui e hoi  
nei, a no ko laua nei makau  
o ike ia laua e na kanaka.

Ia wa ua hoomaka mai la  
laua e holo, oia holo ko laua  
nei, oia lele, a hina a palaha,  
eia no nae, ala no holo no, a  
helele aku la ka Aama a me  
ka limu, aohē nae he nana  
ia iho. aia ka pono o ke kaa  
aku mauka o ke alanui; eia  
nue ua pale pono, oiai, ua ao  
loa ae la. I kela wa olelo aku  
la kahi luahine i kahi luahi-  
ne o laua:

“E pee kua, o ike ia mai  
auanei kua e na kanaka?” a  
o ko laua nei pee iho la no ia.  
Lilo koke ae la ko laua kino  
i kino pohaku. A oia ke  
kaulana o keia kula i keia  
kino pohaku a hiki loa mai i  
keia wa.

O keia ka pau ana o ko  
laua moolelo hōe naha, o ke  
kaahēle malihini ana a hiki  
ia kula, aole no he hewa ke  
alawa ae mauka o ke alanui  
i ike ia laua i ke ku mai i ke  
kula.

E nee mai kakou i Puu-  
kapolei. O keia puu kekahi  
puu kaulana loa i ka wa  
kahiko. Mai keia puu mai i  
haku ia ai kekahi mele i ka-  
manina i ka poe lealea o ka  
wa kahiko, ua haku ia apuni  
Oahu nei, a ma ia mele e oli  
ai ka poe Pukaula a me ka  
poe Ukeke laau, ka poe kimo  
pohaku, hua Noni, hua ku-  
kui paha.

Ua helu ia ka inoa o keia  
mele ma ka inoa o ka aina, a  
oia ka'u e panee aku nei

imua o ka poe aole i loa'a a  
paa naau i neia mele. E like  
me na mele kahiko i loa'a ole  
i kekahi poo, a loa'a hoi kahi  
i kekahi poe:

E Kawelo e e Kawelo--e  
E Kawelo Mainui o Puuoka-  
polei

O Puuokapolei—  
Uliuli ka Poi a kua- e  
Ai nei -- o Honouliuli  
Aeae ono-- ka Paakai e Hoaeae  
O Hoaeae—

Pikele-Pikele ka i'a-e Waikele  
O Waikele

Ka Hale pio i ka hua moa  
O Waipio

E kuu a ai kua i ka Ii'ko'awa  
O Waiawa

Mai hoomanana ia kua  
O Manana

Kini kahawai he lau he mēno  
O Waimano

Ko ia kua e ke au  
O Wai'au

Kukui malumalu o ka'ua  
U Waimalu

E ala Kua ua ao  
O Kalauao

E kipa kua e ai  
O Aiea

Mai hao halawa ia kua  
O Halawa

E hoi kua e noho i ka lua  
O Moanalua

Hooipoipo hau kua  
O Kahaiki

E pii kua i ka lama  
O Kapalama

E nunu a haawe kua  
O Honolulu

Kiki kuoha i'aila  
O Waikiki

Kiko ka hua a kaalae

O Wai'ala  
He wahine hoolupe koia

O Waiupe

Mauna kuu hoa i ka lua

O Maunalua

He wahine heekoko keia

O Koko

Puo ka lau o ka Niu

O Niu

Pauma na waa i ke kai

O Hanauma

He wahine Makapuu keia

O Makapuu

E na hoa e kala mai oukou ia'u. O keia ae la kahi i paa ia'u o keia mele. a he mea nui no hoi i na hanauna hou, ka loa ole ana o na mea kahiko.

E kala mai hoi ka poe i loa keia mele ia lakou, oiai, ua pololei paha keia, aole paha, e oluolu ka poe i paanaau keia mele, ina he poe kekahi i paanaau e hoike mai.

E waiho kakou ina wahi pane o Honoaliuli i koe aku a hiki i ka kupono.

E nee mai ana kakou i Hoaeae, aia ilaila o Waihi a na no ma ia wahi i ka huli e nana iho ana i ke alahao he wahi Owawa, ua pili loa i ke alahao. Oia kahi i make ai o ka Moi Oahu nei, oia o Kahahana.

Ua olelo ia o Kahahana he keiki hookama na Kahokili, ke alii o Maui, a i ole he keiki no paha na Kahokili. O ka nohoalii ana o Kahahana he nohoalii ino, he hookuli, a hoopale i na olelo ao a ke kahuna, na kakaolelo, ame na kuhikuhi puuone.

Ua olelo ia ma kekahi moolelo kahiko, na Kahokili no i hoonoho mai iaia i alii no Oahu nei, o Keopuluanaka

no Oahu nei, o kaopulupulu  
ke kahuna, a me kana keiki,  
Eia kahi mootele uuku i loa  
ia'u o pili ana ia Kahahana a  
me kona make ana. O Ka-  
hahana ke alii Oahu nei ia  
wa, o Kahekili ko Maui, ia  
Kahahana o nohoalii ana no  
Oahu nei, ua a'o aku nei na  
kahuna a Kahekili iaia. E  
ke alii e— e huli mai oe a  
hoolohe i keia olelo a'o a'u  
ia oe, oia, ua nohoalii ae la  
ko keiki no Oahu, o pono oe  
e noi aku i wahi no kakou,  
ke ae mai ka hoi ko keiki ia  
ea, o ka puni no ka hoi Oahu  
ia kakou.

Eia ka pane a ke alii:

“Pehea?”

A penei: E noi aku oe i  
ke keiki e ae mai oia no ka-  
kou mai ka Lae o Makapuu  
a ka Lae o Kualoa.

Heaha ka waiwai o keia  
wahi? Eia wahi a ke kuhu-  
na. O Kailua a me Waima-  
nalo na awa o pao ai o na  
waa, o ke kula o Alele ke  
Kulanakauhale Alii, aia hoi i  
Kualoa ke kai Lumalumai, a  
me ke awa pao o na waa, aia  
malaila o pao ai ka Palaoa,  
a oia ae la ka waiwai oia  
wahi.

This article has been automatically clipped from the Ka Loea Kalaiaina 13 January 1900, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).